

世中興備  
緯覽



卷中

國

國

國



世

緯

袁  
表  
撰

中  
華  
書  
局

叢書集成初編

中興備覽（及其他一種）

中華書局出版發行

（北京王府井大街三十六號）

秦皇島市資料印刷廠印刷  
一九八五年北京新一版  
開本：七八七乘一〇九二毫米三十二分之一  
統一書號：一七〇一八·一五一

此據知不足齋叢  
書本排印初編各  
叢書僅有此本

世  
緯

## 四庫全書提要

世緯一卷。明袁袞撰。袞字永之。號胥臺。吳縣人。嘉靖丙戌進士。官至廣西提學僉事。明史文苑傳附見。文徵明傳中是書凡二十篇。曰官宗。曰選傳。曰簡輔。曰降交。曰誘諫。曰廣薦。曰崇儒。曰貴士。曰裁閣。曰汰異。曰拒僞。曰抑躁。曰久任。曰惜爵。曰懲墨。曰節浮。曰革奢。曰正典。曰實寒。曰均賦。其言皆指陳無隱。切中時弊。雖立說不免過激。而憂時感事。發憤著書。亦賈誼痛哭之流亞也。當時狙於晏安。文恬武嬉。朝廷方以無事爲福。故袞自序有鑿枘異用。羊瑟殊好。空言無益。祇增多口之語。而拒僞一篇。講學者尤深嫉之。然袞之言曰。今之僞者。其所誦讀者。周孔之詩書也。其所講習者。程朱之傳疏也。而其所談者。則佛老之糟粕也。黨同而伐異。尊陸而毀朱。云云。蓋指姚江末流之弊。有激言之觀於明季。袞可謂見微知著矣。又烏得惡其害己。指爲排抑道學乎。

## 世緯序

袁胥臺先生以明嘉靖初登第入詞林。觸忤權貴。浮沈中外。不得大用。文待詔志其墓。謂以高明踴越之才。精深宏博之學。輔以較轡奮迅之氣。跡先生生平。誠有不媿斯言者。又稱其所著世緯。鑒鑿乎經世之言。情不得少見於事。而徒託之空言。蓋深有慨乎言之。然是書流傳甚少。明史志藝文。亦未著於錄。今天子右文稽古。特命儒臣編次四庫全書。是書始復顯於世。而吳中藏書家。猶以未得見爲憾。於是先生之族裔孫又愷。貽書京都預館局者。假鈔其副。藏篋中以爲家寶。雖然。此非一家之書。而天下後世之書也。夫儒者之學。在乎明體以致用。詩書執禮。皆經世之言也。論語二十篇。孟子七篇。論政者居其半。當時師弟子所講求者。無非持身處世。辭受取與之節。而性與天道。雖大賢猶不得而聞。儒者之務實用。而不尚空談如此。今世緯廿篇。指陳利病。洞達古今。其言要而不煩。其道簡而易行。蓋賈誼新書。崔寔政論。仲長昌言之亞也。若夫勸聖賢之格言。尊陸以毀朱。著語錄以惑世。而經史不講。先生於距僞篇中。業大聲疾呼之矣。恭讀欽定四庫全書目錄。列是書於儒家。益信先生真有體有用之儒。非貌儒以欺世者。身雖踰躓。而立言自堪不朽。蘇松減賦之議。不用於當日。而卒行於我朝。儒者之言。其利亦溥矣哉。乾隆壬子閏月。既望。嘉定錢大昕序。

我青臺先從父。生明盛之時。過天人之學。弱冠登朝。慨然以董賈自負。惜位不勝才。弗克大展。未幾而有苕雪之謫矣。繼臺帝簡督學廣西。絃琴之暇。爰倩茲編。題曰世緯。經綸之蘊。亦略可見。丁未歲公既辭世。辛茂陵猶存此臺也。躬自校閱。謄寫成帙。噫。賢不必壽。文未喪天。有同公志者。能無感也。丁未年九月望。姪夢鯉百拜謹識於涵碧軒。



廷樞先世當明季。文章名節照耀一時。故流傳藝文極盛。其版本刊布者。家藏略備。卽先人手書墨蹟。近年搜羅。亦不下數十種。惟肯臺公所著世緯一書。文待詔謂鑿鑿乎經世之論。惜未梓行。并失舊本。嘗以無從購求爲恨事。迨恭讀欽定四庫全書簡明目錄。子部儒家類中。載有此書。仰惟聖朝稽古右文。開獻書之路。雖卮言蕘論。咸登祕閣。實千古罕有之遇。潛德幽光。肯不終泯沒矣。於是致書館局。錄副寄吳。楚弓重得。如獲瓊寶。展卷敬讀。待詔之言。洵非溢美。不敢祕爲私有。謀之鮑丈。以文刻入叢書。以廣其傳焉。謹錄四庫全書內提要冠首。并以文待詔所撰墓志銘附後。俾讀是書者。可以考見公之節概云。

乾隆五十有七年壬子秋七月朔。十世從孫吳縣袁廷樞拜跋。

## 世緯序

昔孔子謂我欲載之空言，不如見諸行事之深切著明也。悲夫！古之人苟懷抱材德者，曷嘗不欲匡依明聖，興立事業者哉？而卒託之空言，命也。是以君子進則勒洪伐於鍾彝，退則修遺文於方冊，身雖不得躬行其道，文之所垂，亦足以自見，而爲法於將來。周秦而下，善言治理者，莫如賈誼，其次則王通、陸贄。又其次則蘇軾、王通、太平十二策，亡逸莫考。我欲觀唐宋之事，舍陸蘇何適矣？夫欲考往而知來者，惡可無空言哉？是世緯之所由作也。客曰：古之立辭者，不得志則爲之，故屈平放而賦騷，虞卿窮而著書。今聖人在位，材傑進趨，言行計從，世緯之作，何也？袁子曰：否，非是之謂也。夫高居而遜聽者，天子之職也；敍官而詔職者，大臣之業也；程功而累勞者，百司之分也；博稽而廣議者，衆士之慮也。古者庶人工商，有謗有諫，而況於士乎？褒也，膏從大夫之後矣；官守有恆，言責無與，未嘗得排闥闔之門，趨文石之陛，一聽其愚，徒以強壯之年，嬰狗馬之疾，一旦恐溘先朝露，非託筆劄，何以自見？世緯凡二十篇，語多刺譏，且關於事情，亦知其柄鑿異用，竽瑟殊好，空言無益，祇增多口，有志於應世者，亦矜其狂愚，采其可用者云爾。

世緯目錄

卷上

官宗

簡輔

誘諫

崇儒

裁閣

卷下

汰異

抑躁

惜爵

節浮

正典

均賦

世緯

目錄

邊傳

降交

廣薦

貴士

距僞

久任

懲墨

革奢

實塞

## 世緯卷上

### 官宗

明 廣西提學僉事袁 泰撰

夫宗室日蕃而祿不給何也封建之法壞而仕宦之途絕也昔在周室並建諸侯同姓封者什七異姓封者什三各治其國以蕃王室入爲公孤出爲牧伯親疎相制外內聯絡卒賴其力享祚長久秦壞周法疎骨肉闕翦枝葉二世陵遲蕩然亡衛漢興鑒秦後轍損益周制雖有七國之變而莽操之際猶賴宗室衆強南頓中山之後奮起徒步光復大業此則親親之明驗也唐宋封建之法廢而仕宦之途猶足以救其末流侯王將相布列中外是以本根不斲而枝葉扶疎卒受其蔭我明草創高皇帝鑒周漢之所以得懲孤奉之所以失宗子分王裂地而封犬牙磐石崇其位號安享祿給不任以事內銷七國之變而外簪維城之固歲朝京師宴賞有度十王有舍宗人有府詩書禮樂炳焉可述仕進之途禁防未設逮及文皇帝稍稍攝以文法朝覲之典不行仕宦之途以塞生者日衆而歲祿有限分析微弱下同毗隸實愚壅闕莫能自効分地則不足益祿則無給干法麗禁者紛紛是也而議者乃謂宗室不仕高皇之法此特未之深考耳古之哲王莫不以親親爲先務故詩曰宗子維城又曰無俾城壞曹魏竊命忽棄遠謀忌嫉陳思

親賢弗用。大權下授。阼移司馬。詩曰。本實先撥。此之謂也。譬之縣黎結絲之珍。連城夜光之寶。委之他人。固弗若遺之子姓之愈也。是故固本者。莫若親親。親親者。莫若崇賢。崇賢之術。在責之保傅。而升其俊秀者於鄉學。三歲而簡之。升之於國學。而試之於鄉。試之於大宗伯。登之於天子。隨材以官之。詔德以祿之。賢者進。不肖者絀。而考課之法。黜陟之典。與疎遠者等。則忠勤之心生。而奸逆之節泯。且仕者有祿。則歲祿足。不仕者有教。則刑法省。施親親之名。而享賢賢之利。則何弗爲也。

遴傳

考之皇明祖訓。凡親王子孫才堪出仕者。宗人令具以名聞。授任後。俱如常選法。此高皇帝意也。夫宗室之才者。得仕於朝矣。而儀賓長史等官。乃不得爲京朝官。此豈祖宗法哉。宣德間有旨。漢府親戚不許選官。蓋止爲漢府設也。弘治初。布政雍泰。連姻秦府。得爲宣府都御史。國初楊士奇以審理副入爲翰林編修。周忱以長史累官尙書。弘治間。雷霖以德府長史陞提學副使。此其證也。夫連姻宗室者。不得爲京朝官。故衣冠之族。與宗室婚者鮮矣。官王府者。不得爲京朝官。故傳相率不肖矣。此非細故也。今之傳王者。率老死王國。終其身弗齒於有司銓衡者。必闕茸則授之。毫昏則置之。而其人亦且絕望於通顯。苟利其祿耳矣。是棄之也。欲宗室之循法軌。遵理道。而乃以闕茸毫昏者傳之。甚亡謂也。漢法官王府者。必慎簡其人。如董仲舒之於江都。賈誼之於長沙。田叔之於梁。申公之於楚。王吉之於昌邑。諫諍論議。斐然可述。

雖有邪心逆節，而猶存畏憚之意。今諸侯王皆血氣壯強，而不爲置賢師傅，此教之亂也。是故高煦反於漢，竇融反於安化，宸濠反於南昌，此非傳相官京朝之患也。置傳相不得其人也。欲宗室之賢，莫若遴選傳相，而訓之以禮義，擇京朝官之有行誼者，則爲之。博通古今，明當世之務者，則爲之。考其殿最，均其勞逸，出爲傳相，入爲公卿，略如漢法，以不失祖宗之意，是官傳相者。有仲舒賈生之稱，而宗室獲河間東平之譽，維城永固，而尾大之患自銷也。

### 簡輔

夫內閣者，卽今之宰相也。是天子之所與承天地，理陰陽，和萬物，撫四夷者也。而徒取充位之人，甚亡謂也。書曰：官不必備，惟其人。蓋言有其人，則官之無其人，則虛焉。三代以前，率用此道。秦始置丞相，專任李斯。漢以下置相，多非其人。蕭曹丙魏房杜姚宋，隨時立業，固未有熙載代工，弘格心之道者也。高皇帝深慮遠算，因胡李之敗，鑒蒙古之失，博稽往籍，略倣周制，革丞相而置六部，公孤之官，不輕畀人。忠勳如劉基，親敬如宋濂，終其身弗以授也。文皇嗣統，妙簡英哲，於時解縉、楊士奇等七人入直內閣，備顧問，代王言而已。洪熙以來，爵予稍輕，然當時兼保傅者，三楊、蹇、夏、黃、福、錢山之外，無聞焉。景順之後，保傅滿朝，而師尹多辟矣。何則？祖宗朝凡才望者，皆得入參機務，如黃子澄，則以太常少卿入；薛瑄，則以大理少卿入；李賢，則以吏部侍郎入。而今則非翰林不入內閣矣。祖宗朝凡才望者，皆得入翰林。如宋訥，則以助教入。

胡儼則以知縣人楊士奇則以審理副入。周是脩則以紀善入。劉球則以儀制主事入。而今則非及第庶吉士不入翰林矣。夫及第者。徵一日之長。其所對策。多浮泛掇拾。務詭時好。稍觸忌諱。卽抑簞下甲。閒有以直言及第。如羅倫舒芬之徒。復流落不偶。壹鬱以死。而庶吉士之選。尤多徇私。不協輿望。其選也。必權貴之私人。乃得與焉。其留也。亦必權貴之私人。乃得與焉。凡材識修潔之士。悉擯弗用。啓僥倖之門。開奔走之路。莫此爲甚。文皇帝儲材論相之意。蕩無遺矣。方其未得志也。則惟權貴之門是趨。擠排同列。不顧廉恥。其既得志也。則養驕安祿。積日累月。坐致高顯。爵位已極。則患得患失。無所不至。六曹之務。進退可否。必咨而後行。蓋有天子不知。而內閣先聞者矣。上蒙下蔽。作威作福。可不畏哉。故議者以爲今之內閣。無丞相之名。而有丞相之實。殊非高皇帝不立丞相之本意也。必革之而後可以爲理。噫。是因疇以廢食。懲覆而棄舟也。權之所寄。不在此。則在彼。苟得其人。何患弗理。如其材也。則置之翰林。不必其及第。庶吉士也。如其材也。則登之內閣。不必其翰林也。凡及第者。必直言是取。務采輿望焉。庶吉士之選。必端良者是留。務采輿望焉。破拘攣之陋格。塞請託之私穴。官內閣者。必極天下之選。而公孤之尊。弗以輕授。兼收並用。以復祖宗之故事。庶乎其得人也。

降交

秦制。尊君卑臣。百官非奉詔不得上殿。視其君如天神。然漢興稍變秦制。百官得召見論事。面折庭爭。止

輩以受言。臨軒以策士。前席之間。拊髀之嘆。雖疎遠小臣。得與天子相唯諾。蓋猶有先王之風焉。唐之貞觀。開元。宋之慶歷。莫不親賢禮下。大臣有賜坐之儀。造膝之請。諫官有入閣議事。對仗讀彈文之典。君臣之交誨如也。明興。金華數子。贊襄獻替。分雖君臣。而情猶父子。乃後復簡楊士奇等七人。以備顧問。下至牧守。咸賜召見。不獨察其器能。且得問民疾苦。周知情僞。觀其君臣同遊之歌。亦曩時卷阿宴鎬之盛也。文皇仁宣。待下有禮。三楊蹇夏。日侍帷幄。射鳧西苑。飲酒極歡。賞花賦詩。雍容可想。天順間。李賢王翱。親信寵任。事關機務。面決可否。孝廟勵精。寤寐英哲。尊禮元老。數開文華。講求政理。平臺煖閣。不時燕見。大學士劉健。謝遷。李東陽等。呼以先生。弗名也。六曹之長。皆民譽也。華容劉公。晝日三接。訐謬密議。左右莫聞。君臣一心。虞廷之都俞。何以過此。今天子神聖。削資格而弗拘。拔奇材於不次。一言當意。立躋華要。士有起家六七年而秉鈞軸。斯亦巖濤非常之遭也。亦嘗數御便殿。延見二三大臣矣。亦嘗改容禮貌。宴賞賡歌矣。然延見有時。不數語而退。天威咫尺。分嚴堂陛。六曹之長。臺諫之司。文學侍從之官。咸不得與。敬大之禮已渥。而下交之情未通。流俗之見。未能深識。不曰天子過勞。則曰大臣畏議已者。噫。爲斯言者。非愚卽諂也。人之恆情。逸則思欲。欲則驕縱之心生。勞則思艱。艱則兢業之懷切。安危理亂。鮮不由斯。故書曰。無教逸欲有邦。程頤有言。接賢士大夫之時多。親宦官宮妾之時少。則可以涵養氣質。而薰陶德性。甚矣。古人之愛其君也。今不思逸欲之喪邦。而徒慮憂勤之勞其君。是非真能好君者也。夫大者者。天子所



與變調者也。臺諫者，獻替者也。文學侍從之官，論思啓沃者也。皆天子所親信者也。大臣論道於前，則臺諫拾遺於後，而文學侍從之臣，得以引經而對，據禮而議，面相詰難，不出一堂。雖有譏說弗行也。且以大臣而畏人之議已，將焉用彼相哉？故曰爲斯言者，非愚卽諂也。誠使國有大事，天子召大臣者面計之，而大臣亦得以其事請見，文學之臣輪對以備顧問，而官臺諫者許入閣以議，從容賜坐，務盡所言，謀無遺慮，動無過舉，政體之得失以盡，而羣臣之心術見矣。其經筵日講，必妙選端良忠諫，明於經術者爲之講章之進，要在剖析經旨，切劑政理，削浮泛之勳說，黜諂諛之故習，有疑焉必辨問折衷，歸諸至當而後已。而外之方岳守令，於其來朝也，特召數人焉，賜之清閒，以觀其材識，凡閭閻之情僞利病，悉周知之。上自親信以逮疎賤，若元氣之周流於一身，流通聯屬，無復間隔，嘉猷入告，而讜言上聞，雍蔽之患銷，而太和之休應，易曰：上下交而其志同，此之謂也。

誘諫

書曰：臣下不匡其刑墨。傳曰：興王賞諫臣，夫言路之通塞，國家之安危繫焉。言者賞，不言者罰，則言路何患乎弗通？古之哲王，矇瞶有誦，工瞽有規，立進善之旌，設誹謗之木，患危言之弗我聞，弗患言者之過訐也。古之忠臣，批龍鱗，嘗虎口，剖心而不悔，烹鼎而不懼，患吾言之弗直，弗患聽言者之不我從也。三代以降，諫訥者莫如唐太宗，敢諫者莫如魏徵，善乎太宗之作帝範也。有曰：大臣懷祿而莫諫，小臣畏罪而不